



## Timmisartortartutut ilinniarneq pillugu isumaqatigiissut

Matumani isumaqatigiissut ataani atsiortunit isumaqatigiissutigineqarpoq

Namminersorlutik Oqartussat  
Ilinniartitaanermut, Kultureqarnermut, Tiersornermut Ilageeqarnermullu Naalakkersuisoqarfik  
Postboks 1029  
3900 Nuuk  
(matumani Namminersorlutik Oqartussanik  
taagorneqartoq)

aamma

Air Greenland A/S  
Postboks 1012  
3900 Nuuk  
(matumani Air Greenland A/S-imik taagorneqartoq)

## **Siunertaq**

Isumaqatigiissummi matumani Namminersorlutik Oqartussat aamma Air Greenland A/S Kalaallit Nunaanni ilinniartitaanermut periarfissanik ataatsimut siuarsaanissamut kissaateqartunik isumaqatigiissuteqarput.

"Timmisartortartutut ilinniarneq pillugu isumaqatigiissutit Kalaallit Nunaanni Namminersorlutik Oqartussat aammalu Air Greenland A/S-ip isumaqatigiissutaat" januarip aallaqqaataani 2018-imi atuutilertoq matumani isumaqatigiissummik taarserneqarpoq.

## Timmisartortartutut ilinniarneq pillugu isumaqatigiissutit

1. Isumaqatigiissut una Air Greenland A/S-imi timmisartortartunngorniarlutik ilinniartut ilinniartinneqarnerat pillugu atorneqarpoq.
2. Ilinniarfimmut, timmisartortartutut ilinniarfimmik taagorneqartumut, qinnuteqartut Namminersorlutik Oqartussanit innersuussutigineqartussat tassaassapput:
  - 2.1 piffissap qinnuteqarfiup nalaani 18-it 35-llu akornanni ukiullit,
  - 2.2 Nunatsinni nunattalu avataani ilinniartitaanermut tapiiffigineqarsinnaasutut akuerisaanissamut piumasaqaatinik aamma attuumassuteqarnermut aalajangersakkanik naammassinnissimasut, kiisalu
  - 2.3 ilinniarnertuunngorniarfimmi tuluttut B-mi aamma matematikkimi B-mi minnerpaamik 7-imik karaktereqarlutik misilitsissimasut, imaluunniit tuluttut A-mi aamma matematikkimi A-mi minnerpaamik agguaqatigiissillugu faagini taakkunani 4-mik karaktereqarlutik misilitsissimasut, imaluunniit
  - 2.4 HF-imi fagini ataasiakkaani misilitsinnermi danskisut A-mi, tuluttut A-mi kiisalu matematikkimi B-mi agguaqatigiissillugu faagini taakkunani minnerpaamik 7-mik karaktereqarlutik angusisimasut
  - 2.5 Agguaqatigiissillugu angusat naatsorsornerini misilitsinnermi angusat kisimik ilanngunneqassapput ukiumut angusaajunnartut ilanngunnagit.
3. Ilinniartitaaneq allaffissornikkut A/S Greenland-imit aqunneqassaaq, Naalakkersuisoqarfiup inassutigisaasa akornanni toqqaasartuusussamit – pisariaqartunik piginnaaneqarnissaq eqqarsaatigalugu, kiisalu ilinniareernerup kingorna suliffissaqarsinnaaneq tunngavigalugu, -inuit:
  - 3.1 teorimik atuarnermi piumasaqaataasumik misilitsinnermi angusisimanissaq
  - 3.1 Air Greenland A/S-ip tarnip pissusaanik tarnikkullu qisuariartaatinik misilitsitsinernik angusisimanissaq,
  - 3.2 inuussutissarsiuutigalugu timmisartortartutut allagartartaarnissamut instrumentinillu atuisinnaanermut allagartartaarnissamut atorneqartussamik atuarsinnaanermik misilitsinnerup naammassisimanissaa
  - 3.3 Nammineerluni flight controls-imik ingerlatseqatigiiffiup timmisartuini immikkut ittumik aaqqissuussinertaqanngitsumik suliaqarsinnaaneq aamma
  - 3.4 timmisartortartussatut piukkunnartutut nalilerneqarneq.
  - 3.5 Ilinniartunik akuersisarneq sapinngisamik arnanik angutinillu amerlaqatigiinnik ilinnialernissamut akuerinnittoqartarnissaa.
4. Ilinniarfik Danmarkimi Roskildemi Center Air Pilot Academy. Air Greenland A/S Namminersorlutik Oqartussat isumasioriarlugu Center Air Pilot Academy inuussutissarsiuutigalugu timmisartortartunik ilinniartitaanermut piumasaqaataanik naammassinnissinnaajunnaarpat ilinniarfimmik allamik innersuuteqarsinnaavoq.
5. Ilinniartitaanermut aningaasartuutit Air Greenland A/S-mit allaffissornikkut ingerlanneqassapput, imatullu akilersorneqassallutik:
  - 5.1 Tigusaanissamut misilitsinnermi, tarnip pissusaanik/qisuariartaataanillu misilitsinnerit, nakorsamit misissortinnerit misilitsinnerillu allat pillugit angalanermut aningaasartuutit Air Greenland A/S-imit aqunneqarlutillu akisussaaffigineqassapput.
  - 5.2 Atuagarsorluni atuarnermut aningaasartuutit, sungiusaatigalugu erhvervsflyvercertifikat-imut timmisartornernut <sup>11</sup><sub>SEP</sub> (CPL), instrumentbevis-i timmisartunut arlalinnik motorilinnut,

- misilitsinnernut aningaasartuutit ilanngullugit, aammalu allagartanut certifikat-inut aningaasartuutit Namminersorlutik Oqartussanit isumagineqassapput. Ineqarnermut aningaasartuutit ilinniagaqarnersiuteqarnermut inatsit malillugu Namminersorlutik Oqartussanit isumagineqassapput.
- 5.3 Ilinniarnep naammassereerneratigut certifikat-eqarnerup attatiinnarnissaanut aningaasartuutit, Namminersorlutik Oqartussat imaluunniit Air Greenland A/S-ip pisussaaffiginngilai. Tamakkununga aningaasartuutit tamatigut timmisartortartup nammineq akisussaaffigai.
- 5.4 5.2-mi allaaserineqartunut aningaasartuutaasut affaat ilinniagaqartumut attartortitassat akuersissutigineqassapput.
- 5.5 A/S Greenland isumaqatigiissutaasoq aqutarissavaa, taamaaliornikkullu isumagissallugu Namminersorlutik Oqartussat aningaasartuutissaasa sapinngisamik appasinnerpaaffissaminniinnissaat, ilinniartitaanermi sillimaniarnermut atatillugu malittarisassanik annikillinngikkaluarlugit. Air Greenland A/S ilinniartitsiviusumut aningaasartuutaasut matussusertassavai, akiligassiisumillu Namminersorlutik Oqartussanut (USF) nassiussisassalluni, aningaasartuutinut moms-itaqanngitsunut akiligassiisummik, Air Greenland-ip moms-imik akiliisussatut nalunaarsorneqarsimasutut suliffeqarfittut moms-i utertissinnaaguniuk.
6. Air Greenland A/S Namminersorlutik Oqartussanut ukiumoortumik nalunaarusiortassaaq, tamatumani K benhavnimi Kalaallit Illuat ingerlatsinerneq naammassinnineq pillugu. Nassuiaat minnerpaamik ima imarisaqassaaq:
- 6.1 Aningaasartuutit kisitsisitalerlugit ilanngussartai ilanngullugit imm. 5.1, imm. 5.2 aamma imm. 5.5 timmisartortartunngorniarni ilinniartumut ataatsimut.
- 6.2 Ukiuni qaangiutilersumi ilinniarnermut tigusaasimasut, uniinnarsimasut naammassisimasullu.
- 6.3 Nalunaarusiaq kingusinnerpaamik februar naanerani Namminersorlutik Oqartussanit tiguneqariissaaq Air Greenlandillu Head of Trainingianit atsiorneqarsimassalluni.
7. Ilinniartitaaneq ilinniagaqarnersiutit pillugit Inatsisartut inatsisaanni nr. 12, 22. november 2011-imeersoq naapertorlugu ilinniagaqarnersiuteqarfiussaaq.
8. Ilinniartunut pissutsit, kingusinnerusukut timmisartortaqaqfimmil sulisinnaanngitsutut naliliinerit kiisalu ilinniarnermik unitsitsinerit Air Greenland A/S-imi ilinniartitaanermut siunnersuisoqatigiivisa suliassarai. Sulianut taamaattunut atatillugu ilinniarfimmil paasissutissanik piniartoqartassaaq. Air Greenland A/S ilinniartitsinerneq siunnersuisoqatigiivisa aalajangiinerat inaarutaasaaq.
9. Ukiut tamaasa, kingusinnerpaamillu marsip naalernerani, Naalakkersuisoqarfiup aamma Air Greenland A/S akornanni isumaqatigiissutigineqartassaaq ukiumi pineqartumi ilinniagaqalertussat qassit tiguneqarnissaat.
- 9.1 Ukiunut annerpaamik arfinilinnik ilinniartunik tiguisoqarsinnaavoq.
- 9.3 Namminersorlutik Oqartussanit ilinnialernissamut ulloq qinnuteqarfissaaq kingulleq inissinneqarsinnaavoq.
10. Matumani isumaqatigiissut 1. januar 2024 atuutsinneqalissaaq 1. april 2030-imilu atorunnaarsinneqassalluni, takuuk 10.2.
- 10.1 Illuatungeriit ilinniartitaanermi aallartitsinerit isumaqatigiissutini piumasaqaatit malillugit ingerlanneqassasut, illuatungeriinnit allatut isumaqatigiissuteqartoqarsimanngippat, isumaqatigiissutigaat.

10.2 Namminersorlutik Oqartussanit isumaqatigiisummik qaqugumulluunniit qaammatit arfinillit sioqqullugu nalunaaruteqarnermi atorunnaarsitsisinnaavoq.

Nuuk, ulloq 19. December 2023

---

Namminersorlutik Oqartussat,  
Ilinniartitaanermut, Kultureqarnermut,  
Timersornermut Ilageeqarnermullu  
Naalakkersuisoqarfik

Naalakkersuisoq Aqqaluaq B. Egede

---

Air Greenland A/S

Timmisartuussinermut Pisortaq Ove Heilmann  
Grødem